



O FAGU O LE ALOFA

Isabela Q., 10
tausaga, Buenos Aires
Province, Atenitina

Sa ou fesoasoani i se galuega faatino i le aoga e fai ni “fagu o le alofa,” o ni fagu uga e tutumu i uga e taitasi ona faaoga. O aitema nei e faaoga i le taimi e tasi ma lafoai ese, e pei o taga pepa iila. Sa faia e aiga taitasi ni fagu o le alofa ma ave i le aoga. Na auina atu fagu i se faalapotopotoga e fausia ai ni piliki uga. E mafai ona faaoga piliki

e fausia ai nofoa uumi i fafo ma fale mo tagata e le tagolima. Sa ou iloina e faaoga e lo’u aiga le tele o uga i aso taitasi, o se faafitauli moni lea i le siosiomaga. Sa ou manao e amata ona ou tausia le siosiomaga. Ae e le mafai ona ou faia na o a’u. O lea sa ou filifili ai e talosaga atu i tagata i le lotu e fesoasoani foi. Sa matou talanoa ma o’u taitai ma

O le a se mea o e faia e fesoasoani ai e tausia le lalolagi na foafoaina e le Tama Faalelagi ma Iesu Keriso mo i tatou?

le epikopo o le uarota. Sa ia fai mai ia te a’u e talanoa e uiga i le galuega faatino i se fonotaga. E toatele tagata na auai i le galuega faatino. Ina ua mavae ni nai masina, sa matou aoina mai le silia ma le 100 fagu o le alofa! O loo faaauau pea le galuega faatino i le asō. Pe a ou aoina mai le tele o fagu, matou te o ma lo’u aiga ma uo Peraimeri i le eria e tuu ai. Matou te tuua fagu iina e faaliliu ai i ni mea faufale.

Ou te fiafia i le galuega faatino leni. Ou te lagona ai e mafai ona ou fesoasoani moni i leni lalolagi na foafoaina e le Atua mo i tatou. E fesoasoani ia te au e faataua ma faaaloologia le natura ma manu. O le tausia lelei o le natura o se tasi lea o auala e mafai ona ou mulimuli ai i le Faaola. Ou te fiafia foi o se auala lea e fesoasoani ai i isi.

O nisi taimi e le faigofie le faaalu o le taimi e faia ai fagu o le alofa. Ae ou te lagona e mafai ona tatou suia ma filifili e faia ni faatinoga laiti ma lelei i aso taitasi. Sa ou aaoaina foi o le faia o se mea “telē” tatou te manaomia ai le fesoasoani a isi. E mafai ona tatou faa-aafia ai isi ma fesoasoani ia i latou ia auai i le suiga. Ou te talitonu o se vaega taua leni o le talalelei a Iesu Keriso: ia suia, fesoasoani i isi, ma faia mea lelei i le lalolagi. ●

ATA NA TUSIAE SIMINI BLOKIER



Fagu e Fafaga ai Manulele

Faaoga se fagu uga gaogao e fai ai se mea e fafaga ai manulele!



1. Fufulu se **fagu uga** ma aveese ia ioga. Ona faamago lea.
2. Tuu atu i se tagata matua e fai ni pu laiti se lua i le pito i lalo o le fagu. Toso se **manoa** i totonu o pu ma nonoa i se li’o.
3. Fai ni pu laiti se lua i itu uma e lua o le fagu e latalata i le tapuni. Oomi se **fasilaau** i totonu o pu e fai ai se nofoaga mo manulele e tutu ai.
4. Oti se tipi faamanifi 2 inisi (5 sm) i luga ae o fasilaau taitasi. O i lea o le a maua ai e manulele ia fatu!
5. Ufiufi ia pu i ou tamailima ma fai atu i se tasi e sasaa ia **fatu mo manulele** i le pito i luga.
6. Faapipii le tapuni i luga o le fagu ma fuli ma le faaeteete. Faaoga le manoa e nonoa ai le mea e fafaga ai manulele i se lala laau.